

【经文信息】大正藏第 32 册 No. 1643

## 尼干子问无我义经 1 卷

No. 1643

### 尼干子问无我义经

马鸣菩萨集

西天译经三藏朝散大夫试鸿胪少卿宣梵大师赐紫沙门臣日称等奉 诏  
译

尔时尼干子等。心怀异见发起疑惑。寻求往诣解大乘者所。到已作礼合掌恭敬。问无我义使除暗钝。如佛所说为我开示。若说此身无有我者。彼最上我亦无所有。何故身中现见啼笑嬉戏忿怒我慢嫉妬两舌等事。于有于无不能决了。唯愿仁者为我除断。解大乘者谓尼干子言。汝先所执最上我者。决定虚妄。以何名有以何名无。于此二中都无所得。若以自身发甲皮肉筋骨脂髓膈胃手足一切身肢。为最上我。内外寻求何有可见。时尼干子白智者言。我以肉眼故不能见。余有天眼彼可得见。智者曰。亦非天眼之所能见。彼非显色亦非形色。自性空故。何有可见。尼干子言。彼定无耶。智者曰。若说无者。云何现见。从因缘生啼笑等相。或说为有。或说为无。二皆邪妄。非其正理。尼干子言。若有若无俱不应说。如何此身现有所住。智者曰。无有少分见所住相。尼干子言。若无住着即同虚空。智者曰。如汝所说如虚空故。尼干子言。若尔啼笑等相当云何遣。智者曰。于是义中而有二种。一者世俗。二者胜义。依世俗说。则有自他命者士夫补特伽罗作者受者财宝妻子亲眷朋属。如是差别。依胜义说。则无自他命者乃至朋属等事。亦无少分差别等相。若世俗说。则有生灭善恶果报。若胜义中。则无生灭善恶果报。彼真如法自性清静。无有烦恼无有染污亦无觉了。本来寂静。此说是名真如自性。重明此义以偈颂曰。

世俗胜义谛  
世俗即世法  
有情依世俗  
久处于轮回  
由依世俗故  
起分别疑惑  
彼愚痴凡夫  
不修出离因  
愚人常依止  
驰流五趣中  
由不达胜义  
展转受轮回  
亦如于日月  
众生三有中  
诸行悉无常  
远离世俗法  
乃至住诸天  
不免彼无常  
夜叉鬼神等  
不免堕恶趣  
帝释转轮王  
不免堕傍生  
人天五欲乐  
于彼菩提心  
自性无所著  
超越所戏论  
非刚非柔软  
非触非执受  
非长及非短  
非微细非麤  
非白及非红  
非形色显色  
非色非光明

二种今当说  
胜义无过上  
增长于烦恼  
不了胜义法  
自他生遍计  
而受诸苦恼  
长时受逼迫  
何知解脱理  
世间生灭法  
相续而不断  
则无灭苦要  
如蚕自缠缚  
旋转无休息  
来往亦如是  
刹那而迁变  
当求胜义谛  
及干闥婆等  
此皆世俗果  
得持明成就  
此皆世俗果  
福报无与等  
此皆世俗果  
决定当弃舍  
以惠常观察  
一切悉皆空  
是菩提心相  
非热亦非冷  
是菩提心相  
非圆亦非方  
是菩提心相  
非黑亦非黄  
是菩提心相  
非动非缠缚

非住如虚空 是菩提心相  
离思惟观察 非外道境界  
与般若相应 是菩提心相  
无似无对待 无等常寂静  
自性本凝然 是菩提心相  
如聚沫浮泡 如幻化阳焰  
无我亦无常 一切非坚固  
是身如坏器 虚幻而充满  
与三毒相应 毕竟空无有  
如月处云中 刹那而不现  
以甚深般若 达有为如幻  
众生器世间 一切皆如梦  
由自心分别 彼心亦如梦  
若人依正理 以惠而修习  
弃背诸障染 速得无上道  
此最胜般若 诸佛所称赞  
智者善筹量 勤求无上法  
离有为过失 证真常胜德  
由此解脱故 一切无染着  
时彼外道众 闻已生欢喜  
善观察除疑 得悟大乘智

## 尼干子问无我义经

---

【经文信息】大正藏第 32 册 No. 1643 尼干子问无我义经

【版本记录】CBETA 电子佛典 Rev. 1.10 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】